

PRAAT MET DIE HERE IN DIE NAG OF IN DIE VROËE OGGENDURE

deur Luther Backer soos geskryf vir E-Kerk

In verskeie Psalms nooi God jou om vir Hom jou hart oop te maak en met Hom te praat terwyl dit stil en rustig is, in die nag en vroeg in die môre.

Het die Here my verwerp?

Hoe dikwels voel jy nie dat jy deur God en mense verlaat is nie. Alles loop verkeerd by die huis en by die werk. Jy het die hele nag rondgerol en met jou gedagtes gestoei, want nêrens het jy uitkoms vir jou probleme gesien nie.

Psalm 77(2): Ek roep tot God om na my te luister! In my nood soek ek God. Ook in die nag strek ek onvermoeid my hande uit in gebed. Tog het ek geen troos gekry nie. (5-8): U verhinder dat ek slaap: van ontsteltens kan ek nie praat nie! Ek dink aan die dae van vroeër, aan jare van lank gelede, toe ek gesing het in die nag, nagedink het oor sake. Dan vra ek my af in my binneste: Het die Here my vir altyd verwerp?

Ek roep in die nag tot God om hulp:

Psalm 3(5-7): Ek het tot die Here geroep. Vanaf sy heilige berg het Hy geantwoord. Ek het gaan slaap en weer wakker geword, want die Here het oor my waggehou. Ek is nie bang vir tienduisende wat my van alle kante bedreig nie.

Psalm 88(2-3): Here, God van my verlossing, dag en nag roep ek tot U. Luister tog na my gebed; hoor my hulpgeroep, want my lewe is vol probleme.

Psalm 30(3): Here my God, ek het na U geroep om hulp en U het my gesond gemaak. (6): In die nag vloei die tranes, maar in die oggend is daar vreugde.

Psalm 22(3): Elke dag roep ek na U, my God, maar U antwoord nie; ook elke nag roep ek, maar daar is geen rus vir my nie.

En in die nag, dan kom God na my en maak my rustig:

Psalm 119(55): In die nag dink ek aan U, Here, en sal u gebooie gehoorsaam. (62): Middernag staan ek op om U te dank vir u regverdige bepalings. (148): Die hele nag lê ek wakker om u woord te oordink.

Psalm 63(7): As ek op my bed lê en aan U dink, oor U nadink in die nag, onthou ek hoe U my gehelp het.

Psalm 4(4-5): Die Here sal antwoord wanneer ek tot Hom roep. Moenie sondig as jy ontsteld is nie. Oordink dit in die nag op jou bed en wees rustig.

Psalm 16(7): Ek prys die Here wat my insig gee; ook in die nag is ek daarvan bewus.

Psalm 17(3): U het my gedagtes getoets, my in die nag ondersoek. U het my deeglik beproef, maar niks verkeerd gekry nie. (15): Maar omdat ek reg gedoen het, sal ek U sien. Wanneer ek wakker word, sal ek tevrede wees in u teenwoordigheid.

Psalm 4(9): Ek sal in vrede gaan lê en slaap, want U alleen, o Here, laat my veilig woon.

Psalm 127(2): Tevergeefs werk jy so hard, van vroeg-oggend tot laatnag, soos jy swoeg om te bestaan, maar vir hulle wat Hy liefhet, gee Hy dit in hulle slaap.

In die oggend verander my droefheid en onsekerheid in vreugde:

Psalm 5(4): Here, in die oggend sal U my stem hoor. Soggens bring ek my versoeke vol verwagting na U toe.

Psalm 57(8): Ek vertrou geheel en al op U. Op U, o God, vertrou ek onwrikbaar. Ek wil lofliedere sing. (9): "Word vroeg wakker!" sê ek. "Harp en lier, word wakker!" Ek wil die dagbreek wakker maak!

Dan kan ek met dankbaarheid sê:

Psalm 131(1-2): Ek bemoei my nie met wat vir my te groot of te moeilik is nie, maar ek het kalmte en rus gekry, soos 'n kindjie by sy moeder rus, so is my gemoed.

Ds Leon Tait



MAANDBLAD

NG Rietfontein-Suid

MAART 2010

2010 - Christus Eerste!



Vir wie doen jy alles?

Om mense tevrede te stel is geen maklike taak nie. Vra maar vir mense in mensgerigte beroepe en werke. Vir baie mense is dit eintlik onmoontlik om hul tevrede te stel. Selfs Jesus het op 'n keer gesê dat nie Hy of Johannes dit Doper dit kon regkry nie. Hoe nog ek of jy? Tog is dit wat ons geneig is om te doen. Ons is van nature geneig om "people pleasers" te wees.


Gelukkig is dit nie ons taak as navolgers van Christus om mense gelukkig te probeer hou nie. Ons speel vir die gehoor van Een! Om Hom bly te maak en Sy glimlag oor wat ons doen te ervaar is ons vreugde en strewe! Sy opinie tel die meeste.

Ons gawes, ons diens, ons opoffering, ons toewyding en ons aanbidding gaan oor Hom! Deur alles wat ons dink, doen en sê wil ons Hom alleen groot maak. Hoor wat sê Petrus: *So moet julle God in alles verheerlik deur Jesus Christus (1 Petr 4:11).*


Toe dankie gesê word vir 'n tannie wat by 'n geleentheid vir almal met tee en verversings bedien het, het sy geantwoord: *ag, ek het net een gawe van die Here ontvang en dit is om lekker tee te maak. Daarom maak ek oral vir mense tee met die liefde van my Heer.* Hier was iemand wat vir die regte rede gedien en gedoen het nl. vir Hom! Sy weet wat dit beteken toe Jesus Sy dissipels geleer het: *wie eerste wil wees moet almal se dienaar wees.*

Ek wil graag soos hierdie tannie alles vir Hom doen! Wil jy nie saam met my dit ook jou gebed maak nie: *Here, ek wil alles vir U doen! Leer my om my hart en oog op U te hou. Maak asb alles wat ek doen 'n vreugde om te doen omdat dit vir U is. Wees so eerste in my lewe. In Jesus naam, amen.*

Ds Leon van Heerden



!! Onthou datums !!



- **2 Maart:** Netwerkkursus (deel 1)
- **4 Maart @ 18h30:** Wêreldbiddag vir Vroue (Capital Park-Concordia, Flowerstraat 294, Capitalpark)
- **6 Maart:** SA Turn 2 God (by Uniegebou)
- **6 Maart:** Wêreldbiddag vir Mans
- **7 Maart @ 9h00:** Gesamentlike Kinderdiens & gemeente-tee
- **16 Maart:** Netwerkkursus (deel 2)
- **23 Maart:** Netwerkkursus (deel 3)
- **26 Maart:** Skole sluit
- **31 Maart:** Hart vir die Moot

Sien jou daar!



Huweliksverryking 2010

Alle verliefdes, verloofdes en (ou)getroudes!

- **Datum:** 30 April 2010 - 2 Mei 2010
- **Plek:** NG gemeente Rietfontein-Suid
- **Spreker:** Dr Arnold Mol
- **Koste:** R150 per paartjie (sluit in romantiese ete en verversings)

Registrasie: Vorms beskikbaar by **MI toonbank, kerkkantoor,** gemeentewebblad of skakel Frieda by 083 235 0236

Program:

Vrydag

Hoe om ordentlik met jou maat te baklei

Saterdag

Maak kennis met jouself en jou maat

Saterdag

Romantiese ete

Sondag

Hoe om mense waarvan jy nie hou nie, lief te hê

*** Aparte kleuter-en kinderkerk word aangebied*



Taakspan vir Vroue Afsluitingsfunksie



Op 10 November 2009 het die jaarlikse afsluitingsfunksie van die Taakspan vir Vroue plaasgevind. Soos altyd, het Brenda en haar spannetjie die aand onvergeetlik gemaak! Die saal was pragtig betowerend opgemaak in silwer, swart en rooi, die vermaak uitstekend en die ete uit die boonste rakke! In tipiese Brenda-styl, slaan sy nie die yster wanneer dit warm is nie, maar tot dit warm is!

Die gaskunstenaar wat opgetree het was Hessel van der Walt. Hy het 'n kragtige en roerende boodskap van geloof en vertroue in God, gebring. Tesame met sy uitmuntende stem en charismatiese verhoogpersoonlikheid het hy die vrouens behoorlik aan die lag en handeklap gehad! (Indien jy dit gemis het kan jy darem 'n dvd bestel by die MI toonbank @ R35.)

Die doel van hierdie jaarlikse afsluitingsfunksie vind plaas om al die vrouens wat deur die loop van die jaar finansieel bygedra en gewerk het, te bedank. Elkeen wat bygedra het ontvang dus 'n uitnodiging. Het jy laas jaar 'n uitnodiging gekry?

Indien nie, het jy verseker uitgemis op die heerlikste bederfaandjie spesiaal net vir vroue soos jy. Verseker dat jy hierdie jaar jou R60 bydrae gee sodat jy ook 'n uitnodiging kan ontvang. As jy eers een keer die funksie bygewoon het, sal jy elke jaar uitgenooi wil word! En onthou, dit is nie net vir "ou tannies" (jammer almal wat hulself as "oud" beskou!) nie – almal is welkom! Die R60 wat jy jaarliks bydra word as volg aangewend:

- R20 – Opknapping en opgradering (waar nodig)
- R20 – Brood vir Nood projek (broodnodig)
- R20 – Afsluitingsfunksie ('n winskopie vir 'n hele aand se bederf !)

Skakel gerus vir Brenda Barnard by 082 494 7835 indien jy betrokke wil raak by die taakspan vir vroue en sodoende help om 'n verskil in die gemeente te maak.

Wêreldbiddag vir Vroue

NG CAPITAL PARK - CONCORDIA

Donderdag 4 MAART 2010 OM 18:30

AANDAG : AL DIE DAMES VAN RIETFONTEIN-SUID

Hiermee word al die dames uitgenooi na die Wêreldbiddag vir Vroue. Dit word vir al die vrouens van al die gemeentes van die Ring gehou, en wel te NG Capital Park-Concordia gemeente te Flowerstraat 294, Capital Park

Manne-Oggend

NG CAPITAL PARK-CONCORDIA

Flowerstraat 294, Capital Park

SATERDAG 6 MAART 2010 OM 08:00

AANDAG: AL DIE MANS VAN RIETFONTEIN-SUID:

Hiermee word al die mans uitgenooi na 'n Manne-oggend. Dit word vir al die mans van al die gemeentes van die Ring gehou.

Kom loof die Here deur **sang, gebed en getuienis**.

'n Heerlike ontbyt word bedien @ R30.

Bespreek asb **voor 3 Maart** by Mev Toetie Visagie (NG Capital Park-Cocordia) :

Skakel (012)323-2574 of bespreek per e-pos by kantoor@concordia.co.za

BID... BID... BID... ASB !!!

- Vir ons gemeente se leraars vir krag insig, kennis en alles wat hul nodig mag hê om die gemeete te lei en te onderrig.
- Alle siek, hartseer, gebroke, hawelose mense in jou area.
- Vir reën in die Suid-Kaap en die mense in Haiti.

DANK die Vader elke dag vir sy oorvloedige genade en seënige wat Hy oor jou uitstort. Jy is so bevoorreg om 'n kind van Hom te kan wees!!!

GEBED



- Dit is die asemhaling van die siel.
- Dit bring jou in die teenwoordigheid van God.
- Jy kom in gesprek met God; intiem, waar jy jou hart kan uitstort.


Daar is heelwat geleenthede in ons gemeente om saam te bid, kyk asb in die Rietfluit afkondigingsblaadjie elke Sondag, en word deel hiervan.

Indien jy 'n passie het vir gebed; ons benodig 'n taakspanleier baie dringend! (Ons het tans niemand.)

Skakel gerus vir Tom Rademeyer 0823729803 of Karin van Schalkwyk 0825696590

GEMEENTELIKE GEBEDSGELEENTHEID

Ons nooi u graag uit na weeklikse Gemeentelike waar ons die geleentheid gemeentelede saam te bid gemeente raak, soos bv. Here lidmate sal toevoeg nog meer mense 'n Homsal hê, ens.



Rietfontein-Suid se Gebedsgeleentheid, kry om as vir sake wat die herlewing, dat die tot die gemeente, dat ontmoeting met

Wanneer : Sondagaande om 17:30 – 18:30 (so jy kan nog steeds die Jeugdiens daarna bywoon)

Waar: in die Gebedskamer langs die konsistorie

Vir wie: Almal oud en jonk. Ons wil graag so veel as moontlik van ons lidmate op Sondagaande by hierdie geleentheid hê.

CORAM DEO Aanbiddingsdiens : Een keer per maand (gewoonlik die laaste Sondag van die maand – sien die kalender vir datums) neem die Gemeentelike Gebedskring die vorm van 'n Coram Deo Diens aan - 'n stil, gewyde aanbiddingsdiens : **Coram Deo beteken iets van “before the face of God”/ bewustelik in Sy teenwoordigheid.**

(die logo hierbo is geleen via die internet by “Sovereign Grace Fellowship”)



POTTERY KLASSE

KONTAK - RIA

TEL- 0795178028



ROOP-en-LOOP etes



Wanneer? Elke Vrydag vanaf 17h00

Waar? Voor die skool (by kerk)

Wat? Pannekok, Warmbrakke, Jaffels, Kerrie & Rys en veel meer (elke Vrydag iets anders op die spyskaart)

Waarom? Fondsinsameling vir Taakspan vir Lidmaatskap

Skakel gerus vir **Rita** Conradie by 083 242 7029 om te bevestig wat op die **spyskaart** is vir enige betrokke Vrydag, of indien jy **vooraf** wil **bestel**



CRIME STOP PRETORIA



086 010 9783
083 409 7909

243e Laan 524
Viloria
0186

E-pos: fanis.bouysan@absnmail.co.za
Webwerf: www.crime-stop.co.za

**ALLE ALARMS / HEK MOTORS
INTERKOMS / WAGIE**
**ONS SAL ENIGE ALARMSTELSEL OORNEEM
ALARM SPESIALE AANBIEDING:**
IDS 507 PANEEL & SLEUTELBORD,
3 OGIES, 2 DEURKONTAKTE,
2 STATIESE PANIEKKE,
3 JAAR KONTRAK
R199 INSTALLASIE
R120 PER MAAND
R150 Aansluitingsfooi (eenmalig)
R120 Radio lisensiegeld (jaarliks)



**HENDRIK VAN SCHALKWYK
MAKELAARS**
BK93/0649623

Posbus 72086
Lynnwoodrif, 0040,
Tel: (012) 331 8077
Faks: 0866 712296
Sel: 0825696590

FINANSIËLE BEPLANNING,
BOEDELBEPLANNING,
AFTREEBEPLANNING,
LANGTERMYN
VERSEKERING,
TESTAMENTVERSORGING,
KORTTERMYNVERSEKERING

e-pos: hendrik_vs@mweb.co.za

Fisies adres:
18 de Laan 880,
Wonderboom-
Suid, 0084

FSB NO. 14082

Skakel ons gerus indien jy enige van die dienste sou benodig.

Nic Vision
Vir al u Video
& Audio dienste verlang
073 648 2226
E-pos: klaasbornman@vodamail.co.za
Michael Brinkstraat 683, Rietfontein 0084

Audio op ou langspeelplate
en kassette na CD & DVD

Filmmateriaal op 8 & 16mm films na DVD

Video op VHS, Beta, 8mm & mini DV kassette
na DVD

Professionele redigering
van u audio & video materiaal

Vervaardiging van
trou, konferensie,
opvoedkundige, sport
& ander dokumentêre videos